



Comune di
Golfo Aranci



REGIONI AUTONOMA DI LA SARDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA

Progettù “**FAIDDHÈMU CUN TUTTU LU MUNDU – FAEDDAMUS CUN TOTU SU MUNDU**”

Finanziàtu da la Regioni Saldìgna cu’ la Legghji 482 di lu 1999, alticculi 9 e 15 e da la Legghji Regionali 22 di lu 2018.

Annualitài 2022



CUMUNI DI FÌGARI

Provincia di Sassari

VERBALI DI DILIBBARAZIÒNI DI LA GIUNTA CUMUNALI

Nummaru 25

Di la dì 28 di Friàgghju di lu 2023

Oggettu: MANIFESTAZIÒNI PA’ LU SANTU PATRONU SANTU GHJASEPPA

L’annu **duemiliaevintitrè**, la dì **virtottu** di lu mesi di **Friàgghju** a li **9 di la mani**, in chista Sedi Municipali, s’è aunìta la Giunta Cumunali.

Di li passoni chi facini palti di la Giunta Cumunali di chistu Cumuni:

MULAS MARIU	SÌNDACU	P
LANGELLA GHJASEPPA	ASSESSORI	P (cu’ la video conferenza)
CORSO VALERIA	ASSESSORI	P
ASTARA PRONTU GHJUANNI	ASSESSORI	P (cu’ la video conferenza)
ROMANI LAÌCU	ASSESSORI	A

risultani **4** passoni presenti e **1** chi no v’è.



Piddha la presidenzia lu Signor **MARIU MULAS** com'è **SINDACU**, assistutu da lu **Segretariu Fabiu Fais**

Lu Presidenti, acciltatu chi v'è lu nummaru legali, dichjara abbaltu l'abboiu e dummanda a la Giunta Cumunali d'avvilguà e dizzidì innant'a a la prupposta di dilibbarazioni diffinuta ill'oggettu.

LA GIUNTA CUMUNALI

- Vista la prupposta allegata di dilibbarazioni chi è palti integranti e sustanziali di chistu pruvvidimentu;
Cun votti unànimi

DILIBBARIGGHJA

- In cunfulmitài.
- Si dà attu chi la presenti dilibbarazioni è stata dichjarata fattibili subito a li sensi di l'alticculu 134, comma 4 di lu Decrettu Legislativu n. 267 di lu 2000.

POSTU A INNANZI:

- CHI a li sensi di l'alticculu 2 di lu Statutu Cumunali, lu Cumuni di Figari sighi la prumuzioni di lu sviluppu e progressu zivvili, suziali, economicu e culturali;
- CHI comu scrittu ill'alticculu 79 co. 2 di la Legghji Regionali n. 9 di lu 2006 "*sò dati a lu Cumuni li funzioni e li trabaddhi pa' la programmazioni di l'òpari di gistioni di l'acchitti finanziari pa' manifestazioni culturali e di spettaccùlu, fatti in manéra diretta da lu Cumuni mattessi o assuziati*";
- CHI lu mantiné li tradizioni di la cultura popolari pó esse puru una prumuzioni turistica di li tirritoriu e ricìuti in manéra positiva pa' l'economia;
- CHI l'amministrazioni cumunali vó fà eventi e attivitài illu centru di Figari pa' la festa di lu Santu Patronu, Santu Ghjaseppa, appustata pa' la dì 19 di Malzu di lu 2023;



AVVILGUATU chi l'amministrazioni à dizzisu di puni chisti scòppi pa' li ciurràti di festa di lu Santu Patronu, appustati pa' la dì 19 di Malzu di lu 2023:

SCÒPPU A: musica chi abbènta la cumunità cun:

- 1 spettaculu di musica classica cu' l'arpa, pa' la dì 18 di Malzu;
- 1 sfilata musicali (insembi a la processioni religiosa di la dì 19 di Malzu) cu' la banda musicali di alumancu 25/30 musicisti;

SCÒPPU B: appustamèntu di una ciurràta pa' stà tutti insembi la dì 19 di Malzu;

DATU ATTU chi lu tantu chi si pensa pudé trattà pa' fà chisti scòppi è di 4.000,00 €, più IVA cunfolm'a la legghji;

DATU ATTU puru chi, si pó pacà lu tantu chi selvi cu' li fundi dispunibbili a lu cap. 911.4;

TINUTU CONTU chi pa' tutti l'alti enti, tra chissi lu Cumuni di Figari, chi no àni appruàtu, prima di la dì 31 di Natali di lu 2022, li conti di previsionu finanziaria pa' lu trienniu 2023/2025 cumpolta lu cumenciu di l'eserciziu provvisoriu;

RICHJAMATA la giurisprudenzia pa' li spesi pa' li ciurràti pa' stà tutti insembi (Colti di li Conti, Sezioni Regionali di Avvilguamèntu pa' la Lombardia n. 264/2015/VSG, Colti di li Conti, Sezioni giurisdizionali Centrali d'Appellu, sentenza n. 15 di la dì 15 di Ghjinnaghju di lu 2021);

ATTESU chi li ciurràti di festa pa' lu Santu Patronu sò impultanti abbeddhu pa' la cultura e li tradizioni di lu lócu pa' tutti li paèsani e dunca pa' la Cumunità intréa;

VISTA la Legghji n. 197 di lu 2022 chi à rimandatu la scadenza pa' l'approu di li conti di previsionu 2023/2025 a la dì 30 d'Abbrili di lu 2023;



VISTI:

- ✓ L'alticculu 163 "Eselciziu provvisoriu e gistioni provvisoria" di lu decrettu legislativu n. 267 di lu 2000, e lu puntu 8 di lu prinzippiu cuntabbili appustatu di la contabilitài finanziaria (all. 4/2 a lu Decrettu Legislativu n. 118 di lu 2011) chi appostani li mudalità e làccani di l'eselciziu provvisoriu;
- ✓ Lu regolamentu cumunali d'abàli innant'a l'ordinamentu di l'uffici e di li silvizi;
- ✓ Lu Statutu Cumunali d'abàli;
- ✓ Lu Decrettu Legislativu n. 267 di lu 2000;
- ✓ Lu Regolamentu vigenti di Contabbilitài di lu Cumuni;

ATTESU chi selvi dizzidì pa' chistu;

TUTTU chistu postu a innanzi

PRUPPÒNI

1. **DI APPUSTÀ** li scòppi diffinuti infattu, cu' l'attivitài di fà pa' li ciurràti di festa di lu Santu Patronu, appustati pa' la dì 18 e la dì 19 di Malzu di lu 2023;

SCÒPPU A: musica chi abbènta la cumunitài cun:

- 1 spettacculu di musica classica cu' l'arpa, pa' la dì 18 di Malzu;
- 1 sfilata musicali (insembi a la processioni religiosa di la dì 19 di Malzu) cu' la banda musicali di alumancu 25/30 musicisti;

SCÒPPU B: appustamèntu di una ciurràta pa' stà tutti insembi la dì 19 di Malzu;

2. **DI APPRUÀ**, chi 4.000 € più l'IVA cunfolm'a la legghji sò stati posti, comu appustatu illu Cap. 911.4 di li conti 2023-2025 eselciziu provvisoriu, pa' fà l'eventu inn oggettu;
3. **DI DUMMANDÀ** a lu 'ngarrigatu di lu Silviziu compententi, tutti l'atti chi selvini pa' puni in prattica li programmi diffinuti in chist'attu;



4. **DI DICHJARÀ** chista prupposta eseguibbili subbitu a li sensi e pa' l'effetti di l'alticculu 134 comma 4 di lu Decrettu Legislativvu 267 di lu 2000 e s.m.i.

Chistu verbali veni lettu, approvatu e sottuscrittu.

Lu Segretariu
Fabiu Fais

Lu Presidenti
MARIU MULAS

Lu sottoscrittu Segretariu Cumunali, visti l'atti d'ufficiu, pa' dugna agghjunta a chista dilibbarazioni

ATTISTIGGHJA CHI –

È statu inghittatu a li suprastanti cunsiliari cu' lu N° di Prot. (alticculu 125, di lu Decrettu Legislativvu n. 267 di lu 2000)

LU SEGRETARIU CUMUNALI
Fabiu Fais

Chista dilibbarazioni è eseguibbili a li sensi di lu Decrettu Legislativvu n. 267 di lu 2000 di **la dì 28 di Friaghju di lu 2023** palchi:
Dichjarata eseguibbili subbitu (alticculu 134, comma 4°)

LU SEGRETARIU CUMUNALI
Fabiu Fais